



Na osnovu člana 13. alineja 17. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 I 51/09), člana 19. stav (1) tačka 4., a u vezi sa članom 20. Statuta Općine Novo Sarajevo („Službene novine Kantona Sarajevo“, broj 5/20 - prečišćeni tekst i 20/20 - ispravka), člana 119. Poslovnika Općinskog vijeća Novo Sarajevo („Službene novine Kantona Sarajevo“, broj 11/25 – Drugi prečišćeni tekst), Općinsko vijeće Novo Sarajevo, na 9. redovnoj sjednici održanoj dana 11.11.2025. godine, donijelo je:

ODLUKU
O IZMJENI I DOPUNI POSLOVNIKA OPĆINSKOG VIJEĆA NOVO SARAJEVO

Član 1.
(Dopuna člana 50.)

U Poslovniku Općinskog vijeća Novo Sarajevo („Službene novine Kantona Sarajevo“, broj 11/25 – Drugi prečišćeni tekst) u članu 50.:

- U stavu (1) iza alineje 6. dodaje se nova alineja 7. koja glasi: „donosi pojedinačne akte kojima se utvrđuje plaća i druga prava i obaveze iz radnog odnosa Općinskog načelnika, u skladu sa zakonom i odlukama Općinskog vijeća;“.
- Dosadašnje alineje 7., 8., 9., 10., i 11. postaju alineje 8., 9., 10., 11., i 12.

Član 2.
(Izmjena člana 91.)

U Poslovniku Općinskog vijeća Novo Sarajevo („Službene novine Kantona Sarajevo“, broj 11/25 – Drugi prečišćeni tekst) u članu 91.:

- Stav (2) mijenja se i glasi: „Glasanje se vrši dizanjem ruke ili putem digitalnog aparata, a može se vršiti i poimenično.“
- Stav (3) mijenja se i glasi: „Glasanje, dizanjem ruke ili putem digitalnog aparata vrši se tako što se na poziv predsjedavajućeg Vijeća svaki vijećnik izjašnjava da li je "za" prijedlog, ili je "protiv" prijedloga, ili je "suzdržan" od glasanja.“

Član 3.
(Stupanje na snagu)

Ova Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj: 02OV-01-1-10760/25
Sarajevo, 11.11.2025. godine

PREDSJEDAVAJUĆI
OPĆINSKOG VIJEĆA NOVO SARAJEVO

Mr. sci. Edison Pavlović